

〔評審獎〕

雙溪的目屎——懷念文學先生鍾鐵民

陳利成

一條溪水一世人會當載「濟憂愁？」
無人知影，伊的心事，恬恬藏仔溪底
是安怎的湍流恰躊躇……

黃色的蝴蝶，展著美麗的梦想
飛來飛去，飛來飛去，飛作
一領薄薄的新娘衫，穿仔雙溪的樹林
所有的情愛，用文學作伴娶，攏總
嫁予笠仔山腳的你

雖然有驚惶有歡喜，你嘛勇敢

用肩胛頭共伊擔起來，擔起來飼大人
漂洋渡海 翻山過嶺的願望
恰心意，雖然有時陣親像一座
島嶼「Isal」呢重……

一條溪水一世人會當唱「濟歌？」
啥人知影，雙溪的水位啥物時陣
開始咧流，流不仔滿山滿嶺的
歌聲恰春風，毋過，我看著你的筆愈磨
腰愈彎，筆愈磨，頭毛愈白
是安怎一個故事，予人無怨無恨
用規世人的青春去追求 奉獻
是土地的芳，是海水的鹹
抑是目屎流過嘴配的毋甘
恰 溫暖

一條溪水一世入會當有「濟濟情愛」？
 上天知影，千千万萬的蝴蝶的翅路
 若親像焦葉全款，隨風飄落，彼時
 正是愛情死亡之時，妖魔鬼怪的手
 掛著正義公理的白手套，*gāi* 著
 鍍金的彎刀，準備收割你的家鄉 的未來……
 無土地，哪有文學咧？
 彼時，你無顧一切拖著老命
 以庄頭伯公的名，倚仔橋頂大聲呼叫
 呼叫千千万萬美麗的魂魄，閣一擺倒轉來
 轉來笠仔山腳，守護田園，守護山林，守護溪河
 守護——祖先一粒稀微硬頸的火籽……
 彼時，春風若像母親的雙手，搖著一個
 希望的竹籃，搖呀搖，搖呀搖，搖呀
 冷心的雙溪，目屎流 目屎滴

啊！一條溪水一世入會當有「濟濟目屎」？
 你敢知影，若看著你堅心的形影
 貼印佇水面時陣，我就知影
 島嶼文學的水泉，永遠未焦，親像
 有千千万萬翅路疼惜過的雙溪
 全款，一直流，一直流……

- 註 1 鍾鐵民，高雄美濃人，裔家後壁是笠仔山，山腳有雙溪流過，溪岸以早是「黃蝶翠谷」的所在；伊是台灣農民文學的重要作家，老爸是有名的文學家鍾理和；關愛鄉土的伊，帶領鄉親推 *sak*「反美濃水庫」運動，二〇一一年八月二十二日，因為心臟病過往，享壽七十一歲。
- 註 2 先生：客語「老師」。
- 註 3 「*gāi* 濟」：「多少」。
- 註 4 *gāi* 著：「扛著」。
- 註 5 伯公：客語「土地公」。

一首真、善、美兮詩

李漢偉

Tsit 首詩有豐富兮內容，有人道關懷上兮善，有鄉土事實上兮真，亦有文學想像上兮美。

主題是 tsit 數念鍾鐵民先生今年中兮過往，通過笠仔山腳前兮雙溪水流， tshiau-tshie 伊一生美兮腳跡。原本佇雙溪有千千万萬 tsia 黃色蝴蝶來展著美麗兮夢想，無打算故鄉兮溪流水 tsia、土地味變。Tsit 首詩是有救贖 tsit tsie，詩人特別高舉鐵民先生守護文學、守護祖先留落兮田園，無顧一向衰 tsit 兮身軀拖著老命來打拚，終其尾感動故鄉下一代，台灣文學兮水泉及雙溪兮水流，相信 tsit 成 tshue 一條長長兮江河。



陳利成

得獎感言

我是一位失去母語的福佬客，曾客居美濃一年。經常，悄悄地在笠山下徘徊，緬懷文學前輩的足跡。濃濃的懷念，無法言語，只能化作一首詩，與雙溪的河水，慢慢流，靜靜流……追想，鐵民先生。

簡介

筆名陳胤，彰化縣永靖鄉人。淡江大學中文系畢業。國中教師。柳河文化工作室負責人。著有詩集《流螢》、《島嶼凝視》、《戀歌》。作品曾獲教育部文藝創作獎等。